



Broj: 11005/21

Datum: 06.10.2021

ZAPISNIK

Sa 3. (treće) sjednice Upravnog odbora Kantonalnog Zavoda za zaštitu kulturno-historijskog i prirodnog naslijeđa Sarajevo, održane dana 06.10.2021. godine (srijeda) u prostorijama Zavoda, ul. Josipa Štadlera 32. sa početkom rada u 16,30 sati.

Sjednici su prisustvovali : Elša Turkušić – Jurić, član Upravnog odbora, Mirsada Škrijelj, član Upravnog odbora, Maida Šahinagić član Upravnog odbora, Selma Karačević – Kapić, član upravnog odbora ispred Zavoda i Boris Trapara, direktor Zavoda. Zapisnik je vodila Mirha Šabanović, uposlenica Zavoda.

Sjednicu je otvorila i sjednicom predsjedavala Selma Karačević – Kapić, član Upravnog odbora ispred Zavoda počevši sa predstavljanjem prethodno dogovorenog i predloženog

DNEVNOG REDA

1. Usvajanje zapisnika sa 2. (druge) sjednice Upravnog odbora JU „Kantonalni zavod za zaštitu kulturno-historijskog i prirodnog naslijeđa Sarajevo“,
2. Izbor zamjenika predsjednika Upravnog odbora JU „Kantonalni zavod za zaštitu kulturno-historijskog i prirodnog naslijeđa Sarajevo“,
3. Žalba/prigovor na konkurs od 18.5.2021. za poziciju saradnika za zaštitu prirodne i integralne baštine, kandidatkinje Melisa Zahirović,
4. Dopisi Ureda za borbu protiv korupcije i upravljanje kvalitetom koji se odnose na izdavanja mišljenja, saglasnosti u periodu rukovođenja Zavodom g. Nervina Dacića, zatim pitanje statusa ugovora sa MIP-om i dopis oko pravila imenovanja u Zavodu (direktor, izvršni direktor, rukovodioci i sl.),
5. Službena zabilješka Damira Hadžića (prijave i odjave zaposlenih u Zavodu, u Poreskoj upravi),
6. Status objekta u vlasništvu Zavoda i upit investitora za kupovinu (adresa: Grbavička 2),
7. Razmatranje prijedloga nove Sistematizacije radnih mjesta,
8. Ostalo.

Član UP Zavoda Selma Karačević – Kapić je konstatovala da su prisutna četiri člana Upravnog odbora, izuzev Gorana Rokvića koji je podnio ostavku na mjesto predsjednika Upravnog odbora JU „Kantonalni zavod za zaštitu kulturno-historijskog i prirodnog naslijeđa Sarajevo“. Konstatovano je da Upravni odbor ima kvorum za glasanje i donošenje Odluka iz prethodno dogovorenog dnevnog reda. Predloženi dnevni red je jednoglasno usvojen. Materijali za potrebe razmatranja tačaka dnevnog reda 3. (treće) sjednice Upravnog odbora dostavljeni su ranije, putem e-maila.

AD-1 Jednoglasno je usvojen Zapisnik sa 2. (druge) sjednice Upravnog odbora JU „Kantonalni zavod za zaštitu kulturno-historijskog i prirodnog naslijeđa Sarajevo“.

AD-2 Nakon upoznavanja sa razlozima podnošenja ostavke Gorana Rokvića na poziciju predsjednika Upravnog odbora, predloženo je izglasavanje njegovog zamjenika, s obzirom da isti nije imenovan na prvoj, konstituirajućoj sjednici, a da novonastala situacija nalaže imenovanje njegovog zamjenika. Jednoglasno je usvojen prijedlog da Selma Karačević-Kapić bude imenovana za zamjenika predsjednika Upravnog odbora.



**KANTONALNI ZAVOD ZA ZAŠTITU
KULTURNO-HISTORIJSKOG I PRIRODNOG NASLIJEĐA
SARAJEVO**

INSTITUTE FOR THE PROTECTION OF CULTURAL-HISTORICAL
AND NATURAL HERITAGE OF CANTON SARAJEVO

AD-3 Tačka tri dnevnog reda sjednice UO Zavoda podrazumijevala je razmatranje žalbe kandidatkinje Melise Zahirović na rezultate javnog konkursa u JU Kantonalni zavod za zaštitu kulturno – historijskog i prirodnog naslijeđa Sarajevo za prijem u radni odnos na određeno vrijeme (radno mjesto Stručni saradnik za zaštitu prirodne i integralne baštine). Direktor Zavoda je u kratkim crtama pojasnio tok konkursa koji u trenutku preuzimanja funkcije nasljeđuje od prethodne v.d.direktorice Zavoda Amre Čusto. Postavljeno je pitanje da li je ispoštovan rok u kojem se kandidatkinja žalila, te da li su ispitna pitanja bila objavljena na službenoj stranici Zavoda. Konstatovano je da je rok žalbe ispoštovan, te da je potrebna literatura bila objavljena na web stranici Zavoda, ali ne i ispitna pitanja, jer je konkursna procedura provođena prema staroj Uredbi o postupku prijema u radni odnos („Sl.novine KS“, br.9/19 i 21/19) koja isto nije nalažala. Pojašnjeno je da je postupak započet prije donošenja nove Uredbe o postupku prijema u radni odnos u javnom sektoru na području KS („Sl.novine KS“, br. 19/21), te da je i stav Ureda za borbu protiv korupcije i upravljanje kvalitetom KS takav da se početak prijema radnika računa od dana kada je Uredu upućen zahtjev za imenovanje supervizora, što je u ovom slučaju bilo prije donošenja nove Uredbe. Nakon rasprave o ovom slučaju, Upravni odbor je jednoglasno donio odluku da se predmetna žalba odbija kao neosnovana.

AD-4 Vezano za ovu tačku dnevnog reda direktor Zavoda je u kratkim crtama predstavio sebe i rad Zavoda, ističući sve poteškoće sa kojima se susreo u trenutku preuzimanja dužnosti. One su se prije svega odnosile na potpunu obustavu rada protokola Zavoda, zadržavanje većeg broje tekućih ali i tematskih predmeta i zadataka Zavoda, tužbi saradnika Zavoda Damira Hadžića i potpisanog ugovora o obavljanju nadzora nad izvođenjem građevinskih radova sa Ministarstvom vanjskih poslova od strane tadašnjeg direktora Zavoda Nervina Dacića. Naglasio je da Zavod bilježi veliki deficit radnika čiji konačni broj bi prema sistematizaciji trebao iznositi između 36 i 38 radnika, a da isti trenutno broji svega 11 uposlenika, sa napomenom da će u narednom periodu još dva steći pravo na penziju. Nadalje je istakao problem narušenih međuljudskih odnosa, nedostatak motivacije, pasivnost, neprovođenje i uopće zanemarivanje provođenja procedure unapređenja uposlenika, mala primanja, nedostatak prijeko potrebnih kadrova (domar, domaćin objekta i saradnik za pravne poslove) kao i loše sačinjena sistematizacija koja ne prezentira i prati stvarne potrebe Zavoda. Istakao je da situaciju dodatno otežavaju nedefinisani okviri pravne zaštite. Međutim, unatoč svim problemima sa kojima se susreće izrazio je spremnost i želju za unapređenjem rada Zavoda, sa prioritetom upošljavanja radnika.

Daljom raspravom konstatovano je da je Ured za borbu protiv korupcije i upravljanje kvalitetom KS tražio izjašnjenje vezano za izdate saglasnosti za pojedine slučajeve, što im je i dostavljeno (objekat u ul. Džidžikovac br. 5, Čobanija). Pojašnjeno je da je za vrijeme direktora Nervina Dacića ukinuta praksa dostavljanja jednog potpisanog i ovjerenog primjerka službenog akta saradniku koji ga je izradio, tako da postoje dileme i oko toga koji su akti službeno izlazili iz Zavoda. Napomenuto je da je praksa dostavljanja potpisanog i ovjerenog akta saradnicima ponovo uspostavljena. Direktor Zavoda je u daljoj raspravi prezentirao i problematiku ugovora sa Ministarstvom vanjskih poslova o pružanju usluge stručnog nadzora nad izvođenjem građevinskih radova na uređenju, adaptaciji i natkrivanju (zatvaranju) južnog atrija Zgrade zemaljske vlade II u ulici Musala br. 2. Konstatovano je da predmetni ugovor ne spada u djelokrug rada Zavoda, da Zavod ne posjeduje kapacitete za obavljanje traženih radova, da postoje propusti u cijelom postupku, da prethodno rukovodstvo nije uspješno odgovorilo na nastale probleme, da Ured za borbu protiv korupcije i upravljanje kvalitetom KS razmatra predmetni slučaj, te da je Ministarstvo vanjskih poslova najavilo pokretanje tužbe zbog neizvršenja ugovornih obaveza. Direktor Zavoda je najavio pokretanje aktivnosti za rješavanje novonastale situacije.

Nakon rasprave Upravni odbor konstatuje da prima k znanju prezentirane informacije.

AD-5 Vezano za ovu tačku dnevnog reda, Upravni odbor je upoznat sa prijavom radnika Damira Hadžića koja se odnosi na navođenje pogrešne šifre djelatnosti od strane Zavoda Poreskoj upravi na poziciju stručnog saradnika za graditeljsko naslijeđe na ime šifre domara, domaćina objekta. Direktor Zavoda je konstatovao da se unos netačnih podataka desio i sa prethodnom saradnicom Zavoda za zaštitu prirodne baštine, te da će budućem pravniku Zavoda naložiti temeljitu provjeru šifri svih uposlenika Zavoda. Upravni odbor prima navedenu informaciju k znanju.



**KANTONALNI ZAVOD ZA ZAŠTITU
KULTURNO-HISTORIJSKOG I PRIRODNOG NASLIJEĐA
SARAJEVO**

INSTITUTE FOR THE PROTECTION OF CULTURAL-HISTORICAL
AND NATURAL HERITAGE OF CANTON SARAJEVO

AD-6 Direktor Zavoda je upoznao Upravni odbor sa statusom objekta u vlasništvu Zavoda u ulici Grbavička broj 2. Ovo pitanje je dostavljeno kao informacija, s obzirom da je direktor Zavoda poslao upit Općinskom sudu u Sarajevu za zahtjevom za dostavu podataka o vlasništvu poslovnih prostora i objekata na ime Zavoda, jer za isti ne postoje jasni podaci. Upravni odbor prima navedenu informaciju k znanju.

AD-7 Direktor Zavoda je članove UO upoznao sa ovom tačkom napominjući da je sistematizacija još uvijek u izradi te da će ista UO Zavoda biti dostavljena na razmatranje najvjerovatnije na narednoj sjednici. Upravni odbor je konstatovao da se postojeća sistematizacija mora unaprijediti i doraditi.

AD-8 Po ovoj tački nije bilo rasprave.

Sjednica UO završena je u 18,30 sati.

Zapisnik vodila
Mirha Šabanović



Zamjenica Predsjednika Upravnog odbora
Selma Karačević – Kapić



Dostaviti:

- Ministarstvu kulture i sporta KS
- članovima UO
- direktoru
- Arhivi UO
- Arhivi Zavoda